

✓
B192
S4F1 H1
1640

册 8
卷 10-11

歷城縣志卷十

邑人葉承宗撰

人物志

鄉賢 隱逸

忠義 僑寓

孝子 僑釋

烈女

詩人

齊得檀盼則炤乘失珍楚有倚相則白珩削色鄉
產英彥郡邑託以不朽何羨乎連城哉歷下山川
靈秀鬱爲人傑終林崔員肇其前徽尹邊殷李振
其後範節更邑號孝錫泉名青蓮少陵飛嶧華之
翰墨丹陽法朗留觀剎之奇蹤備記於冊俾後之
有志者知所感而興焉作人物志

鄉賢

S-46931
Ja 12/40

鄉賢在古為野史之公評在今為縉紳之通譽夫德立而名不立觀風者之責也文予而實不予操簡者之任也故曰羣心之尸祝榮於俎豆一時之竊冒甚於穿窬詢父老覈遺文合古今民望得如于人以為人物稱首

周公哲哀

字丕次齊人孔子弟子鄙天下多仕於大夫家者故未嘗屈節其亦汶上之流與

步叔乘

齊人孔子弟子于封博昌侯

秦茅焦

齊人嫪毐之亂王遷太后於雍下令敢諫者死諫而死者二十七人齊客茅焦請諫王怒欲烹之焦曰陛下車裂假父囊括二弟遷母於雍殺戮諫士令天下聞之盡无解無嚮秦

解衣伏鑊王下殿手接之爵以上卿

自駕車迎太后歸母子如初祀鄉賢

漢終軍

字子雲濟南人辯博能文武帝時年十八選為博士初軍步上關關吏與繻軍曰大丈夫

西遊終不復傳還乘繻而去上書言事拜謁者

給事中從幸雍祠五時獲白麟奇木上具問軍

對奏甚中上意博士徐偃矯制使膠東魯國鼓

鑄鹽鐵張湯劾偃詰問不能屈詔下軍問狀乃

服及軍出關關吏曰此前乘繻生也累擢諫議

大夫願請長纓繫南越王闕下卒年二十世號

終童祀於鄉

王訢

濟南人武帝時以郡縣吏稍遷被陽令以繡

衣御史暴勝之薦徵為右輔都尉守右扶風

武帝數出幸過扶風供張辦帝嘉之拜為

帝時代田千秋為丞相封宜春侯薨謚曰敬祀

公玉帶

濟南人武帝封泰山欲作明堂未曉其制帶進黃帝明堂圖上乃命作明堂奉于汶

上如其

圖制

林尊

字長賓濟南人事歐陽高治尚書為博士論石渠官至少府太子太傅授平陵平當梁陳

翁生當至丞相翁生為信都太傅家世

傳業繇是歐陽有平陳之學祀於鄉

王賀

平陵人武帝時東方盜起上使范昆張德等衣繡衣持節虎符發兵擊斬賀亦以繡衣御

史逐捕魏郡羣盜多所縱舍以奉職不稱免賀

嘆曰吾問活于人者子孫有封吾活萬人後世

其興

乎

唐賈閏甫

歷城人李密據東都既殺翟讓頗自驕矜開雜口倉任民取給至負取不勝委於道

羣盜就食者近百萬密喜自謂足食閏甫諫曰

國以氏為本民以食為天今民襁負如流而至

者所入在此故也有司曾無愛吝一旦米盡

散期公就蕪成大業哉密不聽甫夜乘驢而去

秦瓊

字叔寶歷城人始從通守張須陁洺陁死以兵屬裴仁基仁基降李密密得叔寶大喜後

歸三世克與程穀金計曰世克非撥亂主也因

約俱西走策馬謝世克曰白顧不能奉事請辭

於是降高祖戰美良川破尉遲敬德帝賜以黃

金瓶勞曰使朕肉可食當剖以啖爾授秦王親

軍走宋金剛於介休從討世克建德黑闥皆身

先陷陣進封與國公每敵有驍將銳士震躍出

入以誇與者秦王輒命叔寶往取之以平隱巢

功拜左武衛大將軍實封七百戶卒贈徐州都

督陪葬昭陵太宗命有司琢石為人馬支墓前

以旌戰功貞觀十三年改封胡國公圖凌烟閣

員半千

字榮期齊州全節人其先本彭城劉氏十世祖凝之以忠烈自比伍員因自姓員半

千始名餘慶羈弗通書史客晉州州舉童子歲

玄齡異之對詔高第長事王義方義方嘗曰五

章邱重

卷十

十

御賢

文

百年一賢者生子宜當之因改今名凡舉八科
皆中咸亨中上書自陳不報調武陟尉歲旱勸
令殷子良發粟賑民不從及子良謁州半千悉
發之刺史囚半千會薛元起持節渡河讓太守
曰君有民不能恤使惠出一尉尙可罪耶釋之
俄舉岳牧高宗問兵家三陣半千奏對帝善之
使吐蕃將行武后曰久聞爾名謂爲古人乃在
朝耶卽詔入閣供奉弘文館直學士武三思
事出豪勦二州刺史半千不欲任更嘗以文
粉澤故所至禮化大行肅宗初召爲太子
德累封平原郡公半千事五君有清白節
水自放開元九年遊堯山沮水間愛其地遂
居卒年九十四
更民哭野中

何彥先

齊州全節人武后時位天官侍郎初與員
三年
乃去

崔融

字安成齊州全節人擢八科高第累補崇
館學士武后幸高高見融銘啓母獨歎美之
卽命銘朝覲碑授著作佐郎遷右史鳳閣舍人
時有司議關市行人盡征之融疏諫止授國子
司業封清河縣子卒謚曰文瞻部員外郎杜審
言爲融所薦爲服總麻生六子其聞者焉錫勣
焉錫開元中書舍人翅禮部
尚書孫巨右補闕曾孫從

郭虔瓘

齊州歷城人開元初錄軍閭累遷右驍騎
將軍兼北廷都護明年突厥默啜于同俄
特勒圍北廷虔瓘設壘自守因俄單騎馳城下
勇士阻道左突斬之焉降以功授冠軍大將
軍封潞
國公

員俶

半千孫開元間召能言佛道孔子者谷間禁
中俶九歲升坐詞辯注射帝異之曰半千孫
爾
固應

崔從

字子又韋臯引為西山運務使臯卒劉闕反欲并東川以書諭止闕怒從乃募兵嬰城守盧坦表宣州刺史裴度為御史中丞奏以為右司郎中度已相代為中丞所彈治不屈權幸俄授陝虢觀察使王承宗請割德棣而遣子入侍憲宗選堪堪使者命從往從惟童騎十數疾趨宣詔為陳順逆大節禍福之效音辭暢厲承宗感泣還為山南西道節度使帝欲遂相監軍使揣知為同事者求金從不肯答用是不得相累官左僕射節度淮南卒年七十二下有封股以祭者贈司空謚曰貞

崔能

字子才朱泚之亂湮滅以朔方軍戰武功引佐幕府鄭儋表為判官累官黔中觀察使從為中丞奏以自代繇將作監授嶺南節度使與從皆秉節居鎮世傳為榮卒年六十八贈禮部尚書從子慎繇安潛能子彥曾徐州觀察使

崔慎繇

字敬止聰警彊記繇進士第擢賢良方正引劉瑑而出慎繇為東川節度使宣宗餽長年藥病渴且中燥國嗣未立帝對宰相欲拜赦患無其端慎繇曰太子天下木若立之赦為有名帝不答鄴等乘是譖去之咸通初改河東節度使以吏部尚書請老卒贈司空謚曰貞子胤

崔安潛

字進之進士擢第咸通中歷忠武節度使乾符初王仙芝寇河南安潛募人增陴繕械號令精明賊畏之不敢犯陳許境俄代高駢領西川節度使倚駢為姦利者安潛皆誅之蜀民以安宰相盧攜素厚駢乃誣以罪罷為太子賓客僖宗避賊劍南召為太子少師王鐸任都統表以自副鐸解兵安潛復為少師東都留守後遷太子太傅卒謚貞孝

朱馮瓚

字禮臣雁城人父知兆瓚以廕補秘書郎歷漢周累遷集賢館學士末為兵部郎中善談

論有吏材太祖甚寵之擢左諫議大夫出知野
州有水利請蠲於民從之乾德中為樞密直學
士知梓州時蜀亡命者為盜贖擒斬其首餘黨
千餘人並釋之趙普忌其才密奏其短流沙門
島太宗復用
官至大理卿

王杲

齊州人宋初從征澤潞平揚州皆有功累官
都虞侯嘗命杲護送趙保忠以方物贐杲不

納太宗知之賜白金百兩以戰功累遷
靈州副部署歷知并夏二州祀鄉賢

范正辭

字直道齊州人治公羊穀梁春秋第進士
調安陽主簿開寶中通判棣深二州曾有

言饒州多滯獄選正辭知州事至則宿繫皆決
遣饒州人被盜捕繫十四人獄具當死察其寬
浦得真盜釋前繫者後為河東
轉運使于識諷并進士及第

范諷

舉進士真宗時知平陰縣會河決王陵埽水
去而田失阡陌累訟不決諷分別疆畔著為

券民不復爭尋通判鄆州詔塞河決州募民及
芻捷而城邑與農戶等諷使蜀人論三之二國
請下諸州以鄆為率朝廷從之徒知廣信軍民
避水堤岸凡給筐於官者悉縱使護其家奏除
其租賦後
知青州

王沔

字楚望齊州人聰察敏辨有適時之用太平
興國初舉進士為大理評事累官叅知政事

上欲黜陟官吏沔上言應京朝官有犯乞令刑
部條報以賦及公私罪分三等以聞沔上前官
事能委曲敷釋弟淮
亦舉進士任殿中丞

李冠

歷城人以文學稱同三禮出身
與王樵賈同齊名調乾寧主簿

李昭玘

字成季歷城人少與晁補之齊名擢進士
通判潞州潞民死不葬昭玘斥官地盡兆

窳具棺衾作文風曉之累官提點京東刑獄坐
元豐黨奪官居閑十五年貯圖畫十囊命曰燕

遊十友紹興初復官使陝西有車吉被誣盜釋之後遇於道獻名馬笑却之

魏花 歷城人短小精悍輕捷如猫善騎射工間諜為狄武襄所知隨征西夏廣南多建奇功官

至都 指揮

張揆 字貫之其先范陽人後徙歷城擢進士歷官大理寺丞以疾辭官閉戶讀易十年通太玄

經陳執中薦為國子直講上所著太玄集解數萬言仁宗時累薦龍圖閣直學士一日進讀漢

馬后傳因言今妃族太盛宜裁損使保其家帝嘉納之加翰林侍讀學士出知齊州祀鄉賢

張揆 揆之弟切篤學舉進士仁宗時知萊州掖縣新旱於州拒之揆自為奏聞詔除登萊稅以

戶部侍郎致仕

劉庭式 字得之歷城人舉進士蘇軾守密州庭式為通判未第時議娶鄉人女既約未納幣

庭式乃及第女病喪明女家貧甚不敢復言或勸納其幼女庭式笑曰吾心已許之矣卒娶之

生數子後死庭式喪之逾年不肯復娶軾問之曰哀生於愛愛生於色今君愛從何生哀從何

出乎庭式曰吾知喪吾妻而已若使綠色而生愛緣愛而生哀色衰愛弛吾哀已忘則凡揚袂

倚市目挑而心扞者皆可以為妻耶軾深感其言老於廬山絕粒不食日奕奕有紫光步上下

峻阪如飛以高壽終祀鄉賢

李格非 字文叔歷城人登進士第調興州司戶參軍試學官為鄆州教授入補太學錄再轉

博士紹聖立局編元祐章奏以為簡討不就屢執政意通判廣信軍有道士說人禍福或中出

必乘車格非遇之塗叱左右取車中道士來窮治其姦杖而出諸境召為較書郎以黨籍罷卒

年六十一祀於鄉妻王氏拱辰女亦能文女清炤

呂願浩

歷城人舉進士高宗時歷知江寧府進戶部尚書苗劉之亂願浩倡義勤王語張浚

曰事不成不過赤族為社稷死豈不快乎高宗復位陞中書門下平章事時願浩獨秉政屢請

興師復中原趙鼎以為不可輕舉因劾其專恣遂罷相卒贈太師秦國公謚忠穆祀鄉賢

王衣

字子裳歷城人以廕補官又中明法科歷大理評事林靈素幸有僧毀體撚香衣闍律自

傷者杖靈素求內批竄僧停衣官建炎初大理少卿韓世忠執苗傅劉彥正獻俘檻車幾百兩

將盡尸之衣奏自二人妻子外皆釋之又剛雜犯死罪四十七條召為刑部侍郎祀鄉賢

辛棄疾

字幼安歷城人少與黨懷英同事蔡伯堅筮仕懷英遇坎因留事金棄疾遇離決意

南歸紹興末耿京據濟南幼安勸京南歸會張安國殺京幼安縛安國戮之於靈巖寺遂南奔

夜行晝伏孝宗召對次意恢伏因作九議并美芹十論上之以講和方定議不行遂著杜鵑辭

以勸動人心極其哀至尋知潭州盜連起湖襄棄疾悉討平之朱文公嘗曰稼軒師湖南賊濟

榜文只用八字曰劫禾者斬閑糶者配雖只廢法便見他有方况忠英之氣見於詞翰者不一

嘗言讎六十年後必滅滅而宋之憂方大其識如此累進樞密承旨臨卒以手拈大呼

殺賊殺賊數聲而止謚忠敏棄疾為人豪爽尚氣節識拔英俊所交皆名士謝疊山謂曠灑大

節不在岳武穆之下祀鄉賢

金范拱

字清叔歷城人九歲能屬文深於易學在宋舉進士入金完顏宗弼領行臺省事以為官

屬多陳百姓利病除淄州刺史致仕大定中除太常卿議郊祀禮尋復致仕

黃積躬

字師道濟南人大德中舉進士歷縣尹知海州羣盜出沒積躬峻城郭嚴斥埃盜不

入境尋規措京兆府三白渠事至日以便民為已任凡所灌溉均得其利累官山東東路轉運

都勾判官兼
提舉學較事

元張榮

字世輝歷城人壯貌奇偉金季帥鄉兵據濟南尋歸元授山東行尚書省知濟南府事民

發墓下令禁絕取汴獲俘萬餘大將欲盡殺之
力爭而止攻睢陽欲殺俘虜烹其油以灌城又
力止之已而城下榮單騎入撫之時河南民比
徙至濟南榮下令民間分產與地居之俾得樹
畜是歲中書考績為天下第一李璵據益都觀
以馬蹄金榮曰身既許國何可擅交鄰境却之
年六十一致仕世祖即位封濟南公卒年八十
二謚忠襄祀鄉賢子七人長邦傑襲爵先卒邦
直行軍萬戶邦彥權濟南府行省邦允知淄州
邦孚大都督府郎中邦昌與魯總管邦憲淮安
路總管孫四十人宏襲
邦傑爵改真定路總管

劉伯林

歷城人好任俠善騎射金末為威寧防禦
千戶歸元以功累遷西京留守兼兵馬副

元帥在威寧十餘年務農積穀與民休息隣境
刑察威寧獨為樂士卒封太師秦國公謚忠順

孟德

濟南人繇鄒平令淄州節度使累官同知濟
南路事數從太宗征伐有功按只台以為萬

戶中統中從征李璵璵平以老告歸子
智襲授明威將軍以病去職子安世襲

張均

濟南人父山從軍伐宋以功為百戶戰死均
襲父職從征李璵有功以總帥命陞千戶又

從北征權明威將軍成宗即位命屯田和林規
畫備悉陞都元帥加鎮國上將軍子世忠襲前

衛親軍副
都指揮使

武秀

歷城人仁宗時以清譽擢蒙陰令經制有方
興學較勸農桑數年民愛戴如父母遷山東

東路運使去
後民為立石

韓鏞

字伯高濟南人延祐中進士累官翰林學士
遷侍御史以剛直為時所忌罷歸朝廷慎選

守令繁知政事魏中立言于帝曰當今必欲得賢守令無加鑄者乃授饒州路總管饒俗尚鬼乃撤妖廟崇儒學饒俗化之遷甘肅行省參知政事終西行臺中丞祀鄉賢

潘昂霄

濟南人號蒼崖雄文博學為時推重官至翰林侍讀子翊為江西提刑理問

劉斌

歷賊人從張榮起軍為管軍千戶移屯襄陽軍乏食知青陵多積穀前阻大澤水深不可涉陳可取狀衆難之斌叱曰彼恃險不我虞取可必也乃率百騎夜發獲敵人使導其前行澤中五十里遇敵兵拾馬禪梁敗之得糧數千斛送官歷陞濟南新舊軍萬戶移鎮邳州及病謂其子曰居官當廉正自守毋黷貨以喪身敗家語畢而逝贈彭城郡公諡武莊祀鄉賢

劉思敬

斌之子襲父職為征行千戶從董文炳攻臺山寨先登中流矢帝親勞賜酒易金符從討李壇累遷懷遠大將軍終江西行省參知政事卒贈柱國瀆國公諡忠肅子思恭累遷大

將軍左衛親軍都指揮使思義宣武將軍昌國州軍民達魯花赤

劉嶷

字孟方伯林子小字黑馬驍勇有志畧襲父職為萬戶兼都元帥滅金伐宋累遷都總管

萬戶尋命巡撫天下察民利病應州郭志金反脅從誅誤者五百餘人有司欲盡戮之黑馬止誅其首數人世祖時命兼成都路軍民經畧使卒封秦國公諡忠惠子十人元振元禮顯

劉元振

字仲舉世祖即位廉希憲奏以為成都經畧使劉整以瀘州降衆疑之元振釋戎服從數騎與整連轡而入整心服焉宋瀘州主帥俞興圍瀘州城幾陷食將盡元振殺所乘馬鶴士未幾援兵至元振與整出城合擊興兵大敗之終潼川路副招討使卒子緯襲職

劉元禮

黑馬第五子也沉厚有謀從父軍中累官潼川路漢軍都元帥宋制置使夏貴率軍五萬犯潼川元禮所領纔數千諸將咸有懼色元禮曰料敵制勝在智不在力乃出戰屢破之

後大戰蓬溪元禮激厲將士大呼突入陣所向披靡大敗貴兵又奏修眉州城以扼嘉定往來之路從之興役七日而畢鎮守眉州五年乞解官養母從之

張起巖

字夢臣其先章丘人五季避地禹城高祖

金季張榮據有章丘諸地後歸於元迪與子福實羽翼之福仕為濟南路軍民鎮撫兵鈐轄權府事生東昌判官鐸鐸生提舉範範生起巖中延祐進士累官集賢修撰禮部尚書克郊祇大禮使轉參議中書省事申書方列坐起巖薦一士丞相不悅即攝衣去遷翰林侍講學士轉燕南廉訪使拜翰林學士承旨詔修遼金宋三史辛謚文穆起巖面如紫瓊美髯方頤而美旨清揚望而知為雅量君子及論政決議意所背即屹如泰山安南修貢陪臣致其世子之詞必候起巖與居性孝友俸賜必與故人共之

張昭

字彥明歷城人幼穎悟力學始補吏濟南上計有濟南勾考未輸銀一十萬五千兩燬條

陳利害獲免累官揚州鎮江路總管謝病歸購書八萬卷以萬卷送濟南府學卒贈清河郡侯謚敬惠祀鄉賢子曰用中

李綱

濟南人泰定中知濟寧州以禮諭民嚴於捕盜旱蝗引咎祝天卒獲大稔嘗罷塞河之役

奏免餉馬治刁陽湖為田闢舊祭田供祭費公私便之嘗有麥穗三岐之瑞

劉吉義

歷城人成宗時為禹城尹與學較均賦役撫流亡民有訟者以義諭之卒皆感服時

有嘉禾一莖九穗人刻石頌之

陳堃

歷城人至元間為鄒平尹勤心撫字役均事集境內大治以憂去民請闕留之上允

其請特授奉訓大夫

國朝張紳

濟南衛人少從事戎馬間洪武中以勇畧薦授浙江布政博學工詩所作清新典則

有古風

秦琰

字居敬洪武中領鄉薦累官刑部侍郎以才行譽重一時

趙紳

永樂辛卯舉人初授監察御史激揚有聲劾尚書金連出為揚州府同知後陞山西參議

至江西參政皆卓然有聲以老致仕朝廷念其廉介賜半俸養老

薛理

永樂甲辰進士授行在戶科給事中宣德初中官驕橫理論劾剴切尋授衡州府知府有

惠政嘗捐俸資給士之窮乏者在郡數年以疾乞歸

王允

字執中少孤勵志讀書正統間登進士官至左布政使事母曲盡孝愛所至以清潔稱母

卒廬墓哀毀景泰三年有司上其母貞節允孝行旌表

尹旻

字同仁正統間鄉貢第一登戊辰進士授翰林庶吉士改刑科給事中陝西參議奏賊退

河開軍馬衆大人民供億困極請乞罷兵遷通政參議累陞吏部尚書有知人之鑑所選吏皆

稱職掌銓二十四年京師謠曰公道不如王恕選法不如尹旻卒贈太保謚恭簡祀鄉賢

李森

字時茂景泰丁丑進士授給事中有直聲每奏先昇棺於外成化間萬妃家人驕橫上疏

指斥言甚剴切謫定州同知士論榮之

鄒襲

字繼芳濟南衛人成化丙戌進士拜南京兵部武選司郎中居官清苦及歸杜門三十餘

年不出以詩文自娛士大夫往往謁之未嘗干以私鄉人推重之

劉璣

字廷珍濟南衛人成化己丑進士歷官刑部郎中才識明決折獄稱平陞都御史自為墓

誌著生平勤苦之節

張鼎

字用和成化乙未進士拜監察御史抗疏劾李孜省出為郴州判官尋起河南僉事治河

有功汴民立祠祀之累陞都御史巡撫遼東詔入掌院時劉瑾竊權有吏殺人賂瑾求免鼎不從

隨改南京尋逮獄削職歸瑾敗復官學者稱為柏山先生祀於鄉

趙璧

字潤夫成化戊辰進士授刑科給事中時萬妃家人驕橫璧奏劾請榮經主簿天水六番

高陽二招討讐殺不止璧奉命往諭至則帖服酬以金帛不顧弘治改元調無為州判官尋陞

知州陝西僉事行部至永昌金川遇騎挺身與敵斬首數十顆奪馬數十匹尋卒于

官遣官以羊酒祀其家

王勅

字嘉諭成化甲辰進士及第授翰林編修謫判夷陵陞四川僉事河南提學副使終南京

國子祭酒博極羣書尤善風角習堪輿推驗悉中張令鶴鳴有雲芝先生傳

邊貢

字廷實弘治丙辰進士授太常博士擢兵部治事中正德初逆瑾用事出知衛輝府尋改

陞南京戶部尚書祀鄉賢

徐暹

字進甫弘治壬戌進士任給事中正德初疏劾劉瑾竊柄械繫下獄榜笞幾死落職家居

比七載不入城市瑾敗起山西僉事尋陞副使時有巨寇號混天王劫掠郡縣暹不煩兵

平之民為之謠曰不發一矢賊乃盡死不荷厥戈賊死實多幸於官

陳朝

號近山正德壬戌進士為諸生時遇呂仙後權稅維揚復遇比守臨兆有殲虎除妖之政

及解組布衣角巾徒步懷刺大有占人風有遇仙傳殲虎賦

江濬

字子泉已卯舉人乙未授真定知縣縣有黠少年喪石橐中詐誣館人獄成君至輒鞠其

金所從來少年遂伏罪陞四川道御史從幸承天除道滹沱河檄有司造舟為梁覆土其上列

檻為之而駕以渡巡按隆慶劾奏大同總兵江
桓下吏再入寇遂以捷聞終官至陝西副使

范瑟

字孔和生十餘歲讀書芙蓉山嘗有二龍窺
頭於牖諸生辟易去公不動亡何復聞天樂

作雲中聲殷于庭二十二舉于鄉壬辰登進士
選庶吉士修宋史戊辰分較天下十擢南戶部

郎終陝西
按察副使

趙繼本

字成德中韓應龍榜讀書中秘改御史出
按江南勦賊有功

上欲南狩抗疏止之下獄三日督學

北畿選集古文名曰舉業式程

李攀龍

字子鱗嶺巽側儻鄉試第二人登第與王
鳳洲諸公號海內五才子為比部時築白

雪樓鮑山下讀書其中名益顯守順德日使僕
僕迎奉則不能若問民疾苦為興除若承蠲矣

尋督學關中比提刑中州人莫敢撓以法以母
憂歸卒學者稱為滄溟先生祀鄉賢宗臣曰

心淵識王元美稱其嶽時有文集
數十卷世爭寶之予駒亦名十

殷士儋

字正甫其先武定州人祖衡為德府密
理遂家焉公天資穎異弱冠以禮經魁於

鄉丁未登第讀書中秘世廟御經筵問漢
霍去病穿域蹋鞠衆莫能對獨公剖解甚悉

上稱之曰真翰林隆慶戊辰知貢舉稱為得人新鄭
與政屢加排擠遜避以歸築廬灤水之濱號川

上靜舍發明經史學者從之如雲卒謚文通改
日文莊士林稱曰棠川先生仰之如泰山北斗

云祀
於鄉

薛樟

字子喬事親孝嘉靖甲辰進士授山陽令擢
廣東道御史疏劾相嵩遂掛冠歸高敗臺省

屢徵不起所著有
蘭臺奏議諸書

張嵐

字華巖甲辰進士官至山西叅議事嫡母曲
盡其孝居喪三年不見女色蒞官清廉居鄉

醇謹鄉評以為人物稱首以孫廷彬羞出例金遂屢舉鄉賢不果

韓應元

字雲卿乙丑進士令無錫識孫繼臯於童子試分藩上黨以貢市功蒙賞祀于鄉

吳聞詩

號養齋壬辰進士性磊落不羈今天長飲酒賦詩能辦吏事祀于鄉

劉伯縉

字薦卿中戊辰羅萬化榜初任蠡邑遷民部主政權北新關稅溢解二萬四千餘金

守杭州蠲看堂舊例入庫公用兩定軍民大變陞山西潞州兵備公嘗自銘曰居則為端人正士出則為循吏良臣雖矯俗太激遇物寡諧然自筮仕至宦歸無異布素歷人咸仰其清標云

趙世卿

字象賢性深沉登第任司理擢主政時江陵專政世卿條陳時務觸其怒遷楚藩左

史旋罷歸江陵物故起儀部郎開府中州歲饑設法救荒兩河之民多所全活晉司徒留心度支盡釐夙弊攝冢宰象大計羣吏黜陟惟明上以羊酒勞之京師有云清時一聖主昭代兩直臣

蓋指丘橋與世卿也後告歸小村莊而卒所著有司農奏議八冊祀鄉賢

于見賓

字懋欽濟南衛人少負英資博覽羣書登第任南陽司李疏寬推狎多所平反守開

封理煩治劇士民懷德治兵漁陽飭戎馬明賞罰中外倚重開府延緩人畏之歸卒祀鄉賢

周繼

號志齋乙丑進士授任丘知縣歷任太僕卿蘇州巡撫勅條鞭法疏奏報可天下便之時

劉汝國叛旋經勦復

上欽賜銀幣勞之陞戶部侍郎所著書若干卷

穆深

號桂陽七歲能文督學周鶴臯呼為神童中戊子亞魁壬辰進士時

神廟翫攝不親臨軒公川墀獨對冢宰器之擢銓部

即萊守持三千金為公壽公卻之秉公持正為權璫所忌竟削籍歸囊篋如洗亡何長逝祀鄉賢

陳九疇

號東華丁丑進士歷官憲副絕請託禁僕從却女色焚進券言動不苟有古君子之

風卒祀鄉賢子載春繼登庚辰榜
大有父風鄉人仰其世德無間言

劉伯綬

號吾山丙子鄉薦歷任浮山順義上元三
縣所在有聲京兆謁留瑞例皆長跽公獨

抗禮璫重其名緝江寇理關務有廉敏聲陞雲
南楚雄知府加意撫境內肅靖公生平好學

老而彌篤事
兄尤恪謹云

楊承恩

字君崇博學長厚以歲薦官平陽別駕三
視邑篆不染纖塵致政歸家徒四壁藜藿

不克人皆嗟嘆公處之晏如也邑令張公鶴鳴
署其第曰端僚郡守文公球造廬躬請飲於鄉

王元復

字見心以歲薦官直隸平山教諭隱居龍
山莊飲於鄉嘗云人當在高處立以聖賢

為地步當在寬處坐以天地為襟度當在平處
行以中庸為踐履所著有蘧蘧邇言家訓要語

諸書門人稱
為靜一先生

忠義

唐貞觀中以平陵人不從叛逆改名全節勅曰齊

州平陵百姓自隋末至今嘗懷忠誠不從寇亂宜

加優獎以旌義烈繇是忠義之名甲於天下禍亂

相尋代有烈士曾不如已卯為禍之烈也印綬血

殷於雉堞紳衿骨暴於殘陣下至瞋目之壯夫捐

軀之烈士魂叢焦壁屍積河湟是亦無愧全節之

名乎今即聞見甚確聲望素著槩紀數人以例其

餘嗚呼。葛弘之血化碧忠烈徒存田橫之客縶身

姓名不錄攬筆至此殆不知涕之何從矣

漢吳子蘭

歷城人獻帝時為將軍隨帝許收射獵惡曹操無君董承受密詔討操蘭與承合謀

謀洩為操所殺

唐李君求

房繼伯

俱平陵人都督齊王祐反君求與繼伯等據縣不從抗表以聞

太宗嘉之賜勅曰縣依舊置改名全節

羅石頭

齊州人齊王祐反募城中男子斥資行賞人惡之皆夜緹亡去石頭數祐罪以刀直

前刺祐不克殺之詔贈亳州刺史

高君狀

齊州人齊王祐引騎狗邑聚高曰上親平寇難土地甲兵不勝計今王以數千人為

亂如一手搵泰山其如若之何祐擊禽之愧其言不能殺詔齊倫社

羅士信

歷城人隋大業時長白山賊王薄等攻齊郡通守張洸隨率兵擊賊士信以執衣平

十四短而悍請自効洸陀疑其不勝甲士信怒被重甲左右韃上馬顧盼洸隨許之擊賊濰水

上執長矛馳入賊營刺殺數人取一級擲之承以矛載而行賊皆貽懼士信每殺一賊輒剗鼻

納諸懷暨還驗以代殺洸隨為李密所殺遂與裴仁基歸密為王世克所獲厚遇之耻與邵元

真伍遂降唐拜陸州道行軍總管士信行則先鋒反則殿有所獲悉與麾下賊平封郟國公從

秦王擊劉黑闥洛水上得一城士信守之城陷不屈死之

宋崔縱

歷城人高宗南渡縱為行人使金金人喜其才辯迫之使仕不從與洪皓同放冷山及椅

華謂皓曰死題我宋行人某之墓毋雜於皓灑酪操文以祭情詞激烈聞者髮指

醉民

劉豫僭立有醉民罵豫曰汝是何人要作官家大宋何負於汝豫怒殺之

歷城縣志 卷十

人物 忠義

友聲堂

邢希載

邢希載等勸豫歸宋豫殺之

金周馳

濟南人在太學以策論魁天下貞祐濟南破不肯降携二孫赴井死

元魏中立

字伯時歷城人累官陝西行臺御史中丞遷守饒州賊陷湖廣分攻州郡官軍不能

拒亡賴子弟竊發衆輒數萬中立聞警即率丁壯分塞險要戒守備俄而賊至擊却之已而賊復合遂爲賊所執以紅衣護其身中立叱之鬚髯盡張大罵不已遂遇害

國朝鄧瑜

濟南衛指揮洪武初從征徭蠻臨岐囑其妻曰我爲人臣義當死節汝爲人婦可能守節乎妻許可瑜竟歿於陣妻果守節奉

詔雙旌

辛鎮都

指揮

馬斯才

百戶

馬虞禎

百戶

樂賢忠

百戶

李季子

所鎮撫

秦邦賢

武舉

朱廉

武舉建妖之變諸弁往勦尚山之敗死者數人

樊應科

歷城人

之變科以千總從征死於陣事

寧海王

諱常泐性謙和能馭下葬母步送至墓哀動路人咸稱其孝已卯變守南城城陷

死之事

間侯贈

泰安奉國大將軍

諱常泐死難

泰安奉國四將軍

諱常泐死難

臨朐奉國將軍

諱常泐死難

陳載春

號澄渠九疇子庚辰進士歷官憲副天性醇謹所蒞皆有實政家居杜門謝客不通

關節書屢薦不起嚴禁家僕完糧每於第一年八十餘猶徒步羽衣徧觀傀儡已卯賊陷為

樟楠孫文煥皆守城不屈而死年八十八歲學生

孫止孝

字敬止壬戌會魁令盧龍晉民部郎尋備兵密圭兩薄城皆晝夜宿

又密計擒謀韓僧以作權貴歸已卯命子建宗率族人守東城倡賞犒師城陷自縊死宗姓

死者兄茂才則孝孝廉純孝弟諸生承孝猶子惠宗延宗等數人事

劉勅

字君授弱冠授賢書十二上不第授富平令八月賦歸母卒居廬雅好著書年八十猶手

不釋卷兩臺藩臬皆親詣其門雖常事自謂不無好名之過然雅飭邊幅亦晚近砥礪名節者

已卯城陷不屈而死子弟皆被殺

劉檄

勅之弟以明經令樂亭終郢州知州飲於鄉已卯死

穆遠

號南陽深之弟中甲午榜直隸元城令以詩誤歸博學善談論遠守西門

獻策當事不納城陷見殺及其子光嗣

史臣贊

其先斬人以天啓恩貢歷任忻州知州以罪歸已卯城陷見殺子起鳳亦死

劉化光

字汝化伯綬子丁卯舉人候選推官戊寅富事俾練回兵保關護城梳柵挑壕

不能攻率眾拒頗著已卯城陷遂死子漢儀庚午舉人守西城亦死

聞候恤

賈槐

字世蔭希夷子乙卯舉人城斜眾協守捐貲餉卒城陷死

張元英

字孟育情之子甲子舉人戊寅守南城偃施布被以恤寒軍日捐酒食以餉戊卒城

鳳城縣志

卷十

人物

忠義

友聲堂

陷死

嵇嵐 字珊楓 丙子舉人 戊寅守觀風樓城 陷死 南城下

胡顯宗 字昭來 庚午舉人 戊寅守西城家貧 籍管珥易礮百炬以濟軍需 城陷死

米嘉珠 號玉函 乙卯舉人 壬戌甲戌兩中 乙榜 戊寅守西城城 陷投井中死

徐暉吉 號義上 甲子舉人 戊寅守南城城 陷死

劉汝通 號復陽 乙卯舉人 戊寅守南城城 陷死

丁振 字又從 癸酉舉人 戊寅守北城城 陷死

王啓亨 元復子 丙午舉人已卯死

張允文 歲貢 東昌教授 素具文名 兩中乙榜 戊寅守城死

吳安邦 字磐石 歷任登州總兵 戊寅守北城城 陷死 所戍舖中

王敬賢 號震陽 武進士 武定州守 備致仕 家居年七十餘 戊寅守北城 與吳元戎同死

費克謙 京營副將 戊寅守南城城 陷被殺

陳光先 指揮 戊寅署巡道中軍 率道丁守城 城陷戰於布政司街 力竭而死

四城巡守義社生員死者三百五十二人

回兵 西關有回營 警糾千餘人 保護西關 陳金二教長 頗有戰績 死傷者二百餘人

楊家寨 城東北有楊家莊 環水立寨 獨留一徑 設立木砲 謀知為木砲不之懼 已而

乃點真砲傷數十人 恨曰楊家寨不能攻 焉能破城 已卯城陷 寨猶固守 人寨殺無噍

類死者楊卓等百餘人 稍西為邊家寨 亦稱能守云

孝子

事親無孝名孝非子所敢居而宗黨稱之無間言則必書自歷山號泣後而元人劉琮遂至感及溥泉聞而興者若而人紀其實以為後來勸

元劉琮

琮父久病盡賣妻與幼女飼父費竭無措乃焚香請代父死書牒坎地埋之遂得錢一窠出錢水湧父飲輒愈琮遂捨宅為寺以得金名孝感泉寺曰孝感寺

宋懷忠

濟南人居喪以孝聞旌表

牟克孝

濟南人居喪廬墓嘗表其賢

國朝劉興祖

歷城人自父母世六喪不舉興祖不避寒暄備力以葬負土築墓洪武間有司

請於

上特賜錢幣後知縣楊成復請旌表

王允

歷城人少孤勵志讀書登景泰中進士官至布政事母曲盡孝愛母卒廬墓二年有司上

其孝行

旌表

李萃

歷城人葬母於黃臺山家甚貧親築其廬高如山地方莫以聞宋桐崗太守出飲於華見而詢之遂奏於

朝旌表

谷珍

濟南衛人旌表

羅縉

歷邑廩生其舅氏貧啞縉贍養之以慰母心遂得旌表

王繼芳

歷邑庠生

趙光榮趙光華

王胤前

字丕承年十二值父病祝神借壽髻年入泮為周廉憲延光所知中丙子榜戊寅守

北門城陷負母至歷山頂
母子俱不屈同遇害

烈女

女順為正一而終嘗則舉鴻案困則泣牛衣要非
難也志在邑乘者皆所謂極難者耳稱未亡人撫
五尺孤難已不幸而朱顏膏刃素練盟心抑又難
已甚至從容就義出於孱柔之女慷慨復讐見於
童穉之娥難乎難乎彼雖儼然粉黛也有鬚眉之
不如者矣

元劉氏 濟南人李名妻
泰定間旌表

蕭氏 濟南人劉公翼妻有姿色頗通書史至正十
八年聞毛貴兵將壓境豫與夫謀曰妾詩書
家女誓以冰雪自持倘城陷被執悔將何追妾
以二子一女累君去作清白鬼於泉下耳夫曰
事未至何惡於此居無
何城陷蕭解縈自縊死

國朝胡氏 濟南衛人指揮鄧瑜妻洪武間從征徃蠻
臨岐囑妻守節胡許諾瑜竟死於陣胡守
節終身
詔旌表其門

丁氏 歷城人盧海僧妻
正統二年旌表

王氏 漢庶人高煦至標山下見汲水王婦有
美姿執留寨中王婦夜刺煦不中見殺

劉氏 歷城人王雲妻夫卒守節撫孤
子允仕至布政景泰三年旌表

丁氏 濟南衛人吳環
妻夫歿自縊
馮氏 歷城人杜梅
妻夫卒自縊

石氏 歷城人張祿妻夫卒自縊同殯 旌表

張氏 歷城人孟訓妻 旌表

韓氏 歷城人范貴妻二子俱殞守節不渝 旌表

呂氏 及笄選為泰安王妃未婚王薨妃毀容絕食有司上其事 旌曰女德孤貞

鄭氏女 鄭海女也生有殊姿正德年流寇大肆母與氏避兵禾稼中為寇所得寇欲殺其母

而掠其女攀號無計不得已扶之馬上驅迫以行時天大雨溝澮盈溢前至一灣氏自馬投入

寇急挽無及惟延岸環視良久遂咨嗟而去

郭氏女 正德二年遇流賊擄去義不受辱給賊飲水投河死

林氏 歷城人康鉞妻正德六年遇賊死節

馮氏 歷城人劉法妻 孟氏 崖生洪後妻 旌表

盧氏女 名桂香十歲為邑諸生吳愛眾養女愛眾為表弟仇殺妻室盡避獨女大呼手持賊

襦賊刃女腦淋漓而死張令公鶴鳴葬之郊關名曰義娥墓

蔡氏 歷城人孫慶麟妻 旌表其門 宓氏 周官妻 旌表

孟氏 歷城人方復初妻其孫守地中癸丑進士乞恩旌表建石坊於衢曰 皇恩褒節

劉氏 歷城人趙應時妻 米氏 吏王宗儒妻夫歿撫子成立吳學使予扁

程氏 百戶馬斯才妻從征蓮賊死於陣氏即投縲柩所 旌表

汪氏 指揮辛鎮都妻隨夫死節 旌表

胡氏 靖疆妻王代巡 旌表 張氏 黨習書妻 旌表

歷城縣志

卷十

人物烈女

友聲堂

彭氏 生員趙天祐妻十九歲無子
守節五十四歲有司旌表

項氏 孝廉賈槐妻已
卵 投井死

費氏 指揮惠女孝廉張元英
妻已卵 自縊死

石氏 趙化運妻守節十
年 投河死
吳氏 王綱妻
胤前死歷山頂 與子

彭氏 趙清胤妻已
卵 城陷自縊

鍾氏 葉汝蕃妻已
卵 城陷自縊
范氏 王啓前妻
投井死

許氏 生員尹湯輔妻城陷
氏閉戶不出携一子一女自焚死

周氏 朱邦基妻
氏抱幼女投城河死 逼隨營

壬氏 監生周之爵妾守節
怒殺死

王氏女 王綱室女已
卵 張氏 趙之錫妻
婦李氏子氏投水死

張氏 庠生李茂華妻
以鈎拽出張執不從以鎗刺心死四女皆
陳氏 生員韓濟美妻
弱死百花橋比

李氏 生員孫普孝
妻 難死
史氏 生員韓敬侯妻
自縊死

孫氏 生員葉承基妻基守西門
氏亦投井而死

滿氏 張斗光妻
携女投大明湖
張氏 壽張諭陳陞妻
同媳劉氏投河死

王氏 傅以中妻
變投井死

李氏 生員胥啓明妻啓明死
氏同一子二女投井死

李氏女 李成南女張靈圻人
刀擊之 怒縛於樹射目斷時
逼不從憤以斷菜
死

李氏 生員朱溶妻 并兒婦 一女一孫女俱投河死

陳氏 孝廉胡顯宗妻 投西湖

葉氏 秦煥妻 赴火死

傅氏 生員陳明德妻明德守城 投火焚死

趙氏 韓之琦妻琦同子天機 并婦俱投峭華橋下

劉氏 指揮陶羽大妻羽大死 難氏亦被 碎其屍

喬氏女 喬三省女有姿 百計 誘之執死不從遂遇害

殷氏 生員周來鶴妻 殺其夫氏亦被殺

篔巷婦 婦不知何許人同難者見其 言良家兒女誓死不屈 逆刃出腸而死

詩人

謹按已卯之難婦女溺明湖者數萬人投井自 縊者半之不能悉載姑紀數人以旌貞槩云

國朝稱四家必推歷下稱七子必先濟南詩名大錫

邑哉吾邑詩派翔於廷實而盛於于鱗二公學宗

西漢詩法盛唐文字之宗以此為正後來人結辭

盟家藏詩帙雖復淺近亦各名家今人乃近舍邊

李遠慕鍾譚恐遺畫虎之誚進古覈今得若干輩

若夫縹箝未富即楓落吳江槩不敢附大雅之列

蓋詩人若此之難也

唐崔融 安成爲文華婉朝廷大筆多手教委之其雜出寶圖頌尤工詩集若干卷行世

宋李冠 以文學稱與王樵賈同齊名著東臯集

李格非 文叔幼俊警有司方以詩賦取士格非獨用意經學註禮記數十萬言以文章受知

蘇軾嘗著雜陽名園記以爲雜陽之盛衰天下治亂之候也其後雜陽陷於金人以爲知言文集四十五卷

李芝

濟南人與王樵相善嘗爲樵作贊世先生傳見齊乘

李清炤 格非女晚號易安居士嫁趙挺之子明誠明誠著金石錄三十卷易安爲復序明誠

守淄清炤積書數萬卷金人南下清炤倉皇渡江書漸散失有漱玉集行世

辛棄疾 幼安南渡主恢復不果行晚年解綬歸鉛山縣南二里許有稼軒書院而分水嶺下

厥墓存焉所著有稼軒集長短句十二卷

呂鵬浩 文集十五卷

潘昂霄 蒼崖所著有蒼崖類藁蒼崖漫藁金石例諸書行世

張起巖 夢臣母丘見長蛇數丈入榻下驚而乃誕起巖善草隸有華峯漫稿華峯類稿金陵

集若丁卷

國朝邊貢 華泉貢與北地李夢陽信陽何景明相友善肆力古文尤長於詩所著詩文二十卷

行於世

劉天民 函山有函山集十卷

王詔 仲宣開封同知致政歸日絃誦吟嘯工五詩詩與劉選部天民名相及同郡邊公稱兩生

歷代系志

卷十

人勿詩人

友聲堂

俱俊傑其在京師而信陽何景明亦善之印
雨雪逢人日江湖問客星縉紳至今傳誦焉

陳朝近山有詩集

張弓月梧有月梧集四卷

谷繼宗少岱有詩稿藏于家已卯火

金城有詩集

范瑟孔和有柏峯集二卷

李攀龍滄溟與王鳳洲等稱五才子所著有滄溟集白雪樓集各數十卷盛行於世

許邦才殿卿解元與于鱗齊名所著瞻泰樓集海右倡和集梁園集行世

光廬顧吾有東山存稿
任登瀛有詩稿

潘子雨有家藏稿
潘子震有詩稿

劉遷有歷下八景詩
張邦基有歷下八景詩

薛炤擅臨池之業亦能詩
劉亮采公嚴侏儒滑稽長於詞善繪畫能作大書調笑怒罵皆成文章嘗作歷城縣志未就

亦多家藏詩稿

劉勅君授十九登賢書八十猶操觚所著有白鷗閣集海岱吟岱史歷乘諸刻

隱逸

龍之潛也不於潢汙鴻之冥也不於枳棘歷山南
接岱麓深山大澤幽人所棲簡菟廢乘遺跡昭然
舊志所存強半客藉還仲子於於陵辭弘景於茅
山即對吾黔婁諸君子有餘適矣

黔婁先生

齊人抱道深隱不事王侯不交人世于齊之東南山最峯上疊石為巖寢處其中終年不下人亦不知其何所飲食齊威王每至敵國危急則屏輿從徒步詣之先生授以一

二秘語遂得解危國人莫測及卒覆以布被覆頭則足見覆足則頭身曾西曰斜其被則飲矣妻曰斜之有餘不若止之不足先生正而不斜死而斜之非其志也嘗著書四篇言道家之務號黔婁子其妻私謚曰康

北郭騷

北郭騷

奉母隱濟之南山谷中嘗至數日不得食騷採附苗根以進晏子聞其賢躬微不就

使人以金粟周之辭金受粟母死晏子以讒出亡騷詣公庭曰賢相去國必佞騷見國之佞也不如死遂自到齊反晏子而禮騷焉

陳湏無

文子避崔杼之亂隱于南山石室中今廢跡猶存

白子友

漢時隱居東平陵南棠山石室躬耕養母時或絕糧飲水食糠粟讀易至精神為夜

降朱雲與陳咸自魯來從之學易五年而去陳筮得先甲二語朱得先庚二語

張忠

字巨和中山人永嘉之亂隱于朔公谷中卒謚安道先生

徐洪客

隱于城東山陽有洞深廣莫測史稱太山道士豈其故居耶李密在雒口洪客上書

勸密因士氣趨江都挾帝以令天下密異其言具弊邀之已亡矣

張仲蔚

平陵人與同郡魏景卿俱修道德隱身不仕明天官博物善屬文好辭賦閉門養性

不治榮名時人莫識

洪隱君

歷下人戢居東山習治圃邊延實嘗作圃田詩以美之

僑寓

古君子之僑寓者三避難而居遼東乃有管寧筮
仕而安觀城乃有仁叟選勝而遊泰山乃有明復
今茲所紀皆四方名士愛山水之勝而宅焉者也
習而安焉實維土著彼纍若而來信宿而去烏能
有我山水哉

春秋扁鵲

姓秦名越人渤海鄭人家于盧受長桑君
秘術明醫道嘗煉丹嵒山上丹竈尚存

漢朱雲

字游魯人徙平陵從白子友受易又事蕭望
之受論語元帝時中書令石顯用事百僚畏

之御史中丞陳咸抗節不附顯與雲相結繇是
咸雲廢錮丞相張禹以帝師位特進雲上書願
請上方斬馬劍斷佞臣一人頭以厲其餘上問
誰雲曰安陵侯張禹上大怒御史將雲下雲攀

殿檻檻折呼曰臣得從龍逢比干遊于地下足
矣于是左將軍辛慶忌死爭叩頭流血上意解
後當治檻上曰勿易以旌
直臣雲自是不復仕矣

南北朝温子昇

字鵬舉太原人家于濟南始為廣陽
王深賤客在馬坊教諸奴子書

初射策高第補御史及深為東北道行臺
郎中軍國舉翰皆出其手孝莊即位徵拜
客郎中齊文襄引為咨議參軍及荀濟等
文襄疑子昇知謀乃餓諸晉陽獄啣繻而
陽王暉嘗稱江左人文有顏延之謝靈運
沈約任昉我子昇足凌顏轢謝含任吐沈
至北方愛子昇寒山寺碑
云惟寒山一片石可與語

唐蕭子美

少貧不自振客齊李
邕奇其材先往見之

李白

家世蜀人白生于任城嘗讀書
城西匡山上又遊華不注有詩

杜甫 家世襄陽生于杜陵李邕守北海時
甫嘗來依與邕遊宴北渚亭各有詩

宋歐陽修 廬陵人有
詠舜井歌

朱熹 新安人大
佛山有詩

元王磐 廣平人喜歷下
山水隨寓此

張養浩 字希孟章丘人以省薦為東平學正改堂
邑令毀淫祠息盜賊拜監察御史累官禮

部尚書以父老乞歸養徙家歷下雲莊七聘不
就及關中大旱民饑特拜陝西行臺中丞泣禱

華山大雨如注到官四月未嘗家居遂卒民哀
之贈柱國濱國公謚文忠著三事忠告歸田類

稿御史箴諸書子
引官至南臺御史

李涪 字漑之滕州人姚遂一見其文力薦于朝累
官翰林待制朝廷有大議必使與焉

世大典力疾與之復除翰林學士涪神情開朗
秀眉踈髯日望如電顏如冰玉唇如泥用所以

李太白自擬篇居濟南有湖山花竹之勝作亭
曰天心水面文宗嘗勅虞集為文以紀之涪尤

善書自篆隸草真
皆精諳為世所珍

國朝臆佩 臨邑人太僕卿愛歷下山水卜居北門
之外時遊息於此有詩集瑞露亭帖

王象春 字季木于鱗城中書樓亦名白雪在碧霞
宮西百花洲上叢然一茅季木倍值市之

仍其額而居之亦名
問山亭作齊音百首

孫之獬 淄川人翰林卜
居歷下有詩名

馮天祿 字學也滋陽人丁卯
鄉薦庚辰來居歷下

仙釋

青牛白馬儒者不談祇舍丹丘盛世弗慕取而志
 之何居三教鼎峙無勞過抑緇黃吾道大明奚容
 高標日月特蒐耳目昭著者列于篇以備志之一
 則云

竺僧朗

京兆人少而遊方問道長安僞秦皇始元
 年移居泰山與隱士張忠為林下契忠後
 為符堅所徵行至華陰而卒朗乃於金輿谷崑
 崙山中別立精舍猶是泰山西北之一巖也創
 築房室數十餘區開風而造者百有餘人符堅
 欽其德業遣使餽遺堅後沙汰僧眾獨留崑崙
 一山不在此例及秦姚興亦加歎重燕王慕容
 德給以二縣租稅谷中舊多虎災及朗居之猛
 獸歸伏無極高人猶呼金輿谷為朗公谷也凡
 來謁者必預知之後卒于山中春秋八十有五

元陽子

首長白山山人得金碧潛通一書於伏生
 中細為注解携之修真于華陽宮又為
 還册訣十九年而僊去在山人不見其飲
 食而晝夜燃香香不用火味隨達于城市

法和

榮陽人少與釋道安同學善標明論總解悟
 疑滯襄陽陷沒自蜀入關後于金輿谷設會
 與安公共登山嶺極目周睇既而悲曰此山高
 聳遊望者多一從此化竟何測之有安曰法師

持心有在何懼後生若慧心不萌斯可悲後與
 安公參正文義頃之偽晉王姚緒請往蒲坂講

說其後少時勅語弟子俗網煩惱苦累非一乃
 正服繞佛禮拜還坐本處以衣裳頭卒年八十

法安

姓彭氏安定鷓鴣人少出家太白山九隴精
 舍開皇中至江都晉王召見住慧日寺及駕
 幸泰山遇渴安以刀刺石引水給帝後往神通

寺初與王入谷安見一僧着敝衣乘白驢來王
 問何人安曰斯朗公也即創造神通故來迎耳
 諸奇不可廣錄十一年春無疾而終年九十八

慧藏

姓郝氏趙國平棘人十一歲出家年四十乃

以華嚴為本宗齊主武成降書邀請於太極殿

法瓚

齊州人隱于泰岳之阜開皇十四年文帝省

住勝光寺仁壽置塔勅令送舍利于齊州泰山

也燕主以三縣民調用給于朗並散營寺上下

諸院十有餘所三度廢教人無敢撤欲有犯者

朗輒見形以錫杖撻之并深五尺繇來不減女

人臨之即為枯竭燒香懺求還復如故寺立四

百餘載佛像如新衆禽不踐古號為朗公寺開

皇三年文帝以通徵屢感故改曰神通也初至

寺即放圓光乍赤乍白時沉時舉井水湧

溢酌而用之下役還復瓚遂終于所住

淨辯 姓韋齊州人少涉儒門備聞丘索急厭浮假

禪影寺曾與故友因事相乖彼加言謗辯終不

雪及委曲問答曰吾思其初結交也情欣若絃

豈以後離復陳其失時以此高之後勅召送舍

利於衡州岳寺舍利放大光明因集感應傳十

釋僧意

不知何許人貞確有思力每登座講說輒

寺有高麗相國胡國文國吳國崑崗岱京七像

並是金銅俱陳寺堂堂門嘗開而鳥獸無敢入

者將終有一沙彌現形云天帝請師講經

意乃洗浴端坐及期果有神來意遂逝

釋大行 齊州人後入泰山結草為衣采木而食行

經乃獲西方聖教遂專心念佛三七日間于夜

靈威縣志

卷十

人物 仙釋

友聲堂

義楚

姓裴氏相州安陽人七歲來省歷下後談覽大藏乃慨儒家為佛教之文而多謬解解既

謬與事多誤用擬白樂天六帖纂釋氏義理庶事羣品以類相從建其門目計五十部隨事別

列四百四十門始從法王利見部師于獸類部其間物類簡括周旋趙晉開運二年至顯德元

年進呈世宗勅付史館賜紫衣仍加號明教大師以開寶中終俗壽七十四法臘五十四

天倪子

泰山人本名張志純入道門數歲遂得真訣號崇真大師居于城西之長春觀升化

之日乃自頌曰脫下娘生布袋此際果然輕快百尺竿頭漸進蓬玄洞裏去來前世宿得醫僧

今作道門小才

馬丹陽

初名從義後改名鉦字玄贊陝西扶風人漢馬援之後先世因五代兵亂從居寧海

弱冠能詩文奇特不凡舉進士大定間遇重陽子教以仙術專務清淨因遊萊陽遊仙宮化

其內加號丹陽順化真人今丹陽觀在城東大水坑墓在觀後有元碑可據

李笈

濟南人寓臨安嘗請淨慈寺見青衣道人林下斷筍揖之道人曰子來同食燒筍食之甚

美道人忽不見笈頓覺身輕神逸行步如飛不復飲食入蜀隱青城山乘雲而起

丘處機

棲霞人自號長春子年十九為全真學元太祖召見每言欲一天下必在不嗜殺又

言為治在敬天勤民長生在清心寡欲嘗禱雨及退熒惑皆有應嘗修真于歷城西之大庵後

有一洞號龍數十里為長春洞

禧果

青州壽光人八歲被元兵掠至沙漠遂投金山寺師僧勝迪甚器重之勝迪死南還洪武

十九年至遼東官司異之送至京師能言明哈赤將士萬餘人皆有降心朝廷命宋

國公徂沙漠招安果如前言上賜資甚厚後與禧海遊至濟南住正覺寺永樂元

年遷至棲霞法勝庵
九年八月無疾而化

海上老人

不知姓字髮如銀絲顏如渥赭雙目澄
微左手嘗握而不開日進生果三枚水

乙巳濟南衛指揮朱顯奏聞賜名王士能

無住禪師

成化時措錫華林寺像貌魁峴聲音宏
亮儒書釋典無不精曉士紳雅重之以

居近市廛遷四禪寺因寂逾年九十當盛夏顏
色如生觀者如堵至今塑像與三藏並祀焉

楊生

邑諸生喜談神仙居龍山鎮兒夜啼生紙剪
一月口次上昇使二月相鬪百里內皆見之

兒觀月以止啼哭撫院知為仙術秘訪之問作
此何為生答偶與小兒戲耳又問尚有別術否

生舉所擊茶潑之皆前水暴長若降雨然公驚
駭設酒餼款洽呼以仙師送之歸後數日再召

之已携妻子
去不知所之

王勅

號雲芝嘗讀書卧牛山見火光得異書
屢著仙迹見張令公鶴鳴雲芝先生傳

王綱舉

號蘭谷邑諸生素好修養臨終預知時日
預戒家人治道裝正襟坐化先是瘡疾及

毀瘡痂盡落宛如童子
危坐數日異香不散

以予論列諸君子輝谷媚淵映汗青而光彤管彬

彬乎皆雁產也顧山水有主庚甲乃辨朱陳鄉國

無憑坎離遂分辛黨風景不殊伊人安在亦惟天

之生才不盡後之君子其亦有比肩接踵而興者

矣